



Njësia Nr./Br./No 01 (Kuvendi i Komunës)

Nr./Br./No 292 Nr. i faq./Br.estr./No.pg 01

Data/Datum/Date 30/03/2022

Në mbështetje të nenit 12 pika 1 dhe 2 shkronja d), nenit 17 shkronja s) dhe nenit 40 të Ligjit Nr.03/L-040 për Vetëqeverisjen Lokale të Republikës së Kosovës ("Gazeta zyrtare e Republikës së Kosovës Nr. 28/2008), dhe nenit 2, nenit 10 paragrafi 2 pika 2.4, nenit 40 dhe nenit 57 paragrafi 1 pika 1.19 të Statutit të Komunës së Rahovecit Nr.1005 i dt. 29.03.2017, Kuvendi i Komunës në mbledhjen e mbajtur me dt.30.03.2022 miraton këtë :

## V E N D I M

### Për themelimin e çmimit "Ukshin Hoti"

1. Miratohet propozimi i Kryetarit të Komunës me Nr. Prot. 02/1704/22, i datës: 10.03.2022 dhe merret vendimi për themelimin e çmimit "Ukshin Hoti".
2. Ky çmim u jepet personaliteteve të shquara, familjeve emblematike dhe individëve që kanë kontribuar për liri, dinjitet njerëzor dhe kombëtar, ruajtjen dhe kultivimin e vlerave historike kombëtare dhe atyre që janë shquar për vlerat e tyre humaniste e civilizuese.
3. Çmimi "Ukshin Hoti" mund t'u jepet edhe personave të huaj që kanë kontribuar për çështjen shqiptare apo edhe për mbrojtjen e vlerave globale civilizuese.
4. Obligohet Kryetari i Komunës që, për çdo vit, në ditëlindjen e Ukshin Hotit, më 17 qershor, ta ndajë një dekoratë për personalitetet e përcaktuar për këtë çmim, sipas pikës 2 dhe 3 të këtij vendimi.
5. Çmimi "Ukshin Hoti" mund t'u jepet edhe personave pas vdekjes (post mortum).
6. Obligohet Kryetari i Komunës që për çdo vit kalendarik, me vendim të veçantë të caktojë komisionin, i cili do të shqyrtojë dhe propozojë dhënien e çmimit, duke u bazuar në kriteret e veçanta profesionale dhe kontribute të shquara në fushat e cekura më lartë.
7. Për zbatimin e këtij vendimi do të kujdeset Kryetari i Komunës dhe Drejtoria për Kulturë, Rini dhe Sport në Komunën e Rahovecit.
8. Pas miratimit nga ana e Kuvendit të Komunës së Rahovecit, ky vendim hyn në fuqi 15 ditë pas dërgimit në autoritetin mbikëqyrës MAPL dhe 7 ditë pas shpalljes publike në tabelën e shpalljeve ose Web – faqen zyrtare të Komunës.

#### Vendimi u dërgohet:

- Drejtorisë për Kulturë, Rini dhe Sport,
- MAPL-së, dhe
- Arkivit.

KUVENDI I KOMUNËS NË RAHOVEC

01Nr.292/22  
Datë:30.03.2022

